

آبونه اولمق ایستیلر دائره عدلیه ده  
اداره مخصوصه سنه مراجعت  
ایتملیدر

اعلاناتک بهرنندن بر مجیدیه اخذ  
ایدیلور

نسخه سی ۴۰ پاره در

# قانون مجازات

سهلکی در سعادت ایچون مجیدیه  
بکرمی غروش حسابیه التمش  
غروشدر

طهره ایچون پوسته اجرتی اوله رق  
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری لیسر اولنور. محتویاتی امور عدلیه متعلقدر

## توضیحات

در سعادت اعلامات شرعیه اجرا مأمور لغنه  
معاونتکننده بولنان عزتو کاظم بک تعیین بیورلمش  
ومومی الیهک علی الاصول امر تحلیفی اجرا قلمشدر.

ارطغرل سنجاغی بدایت محکمه سی مدعی عمومی  
معاونی فتوتلو مصطفی نائی افندی به رتبه رابعه توجیه  
بیورلمشدر.

## نشان

قسطمونی ولایتی استیناف محکمه سی مدعی  
عمومیسی عزتو حمدی افندی به اوچنجی رتبه دن  
مجیدی نشان ذیشانی احسان بیورلمشدر.

## تبدیلات

خرج تعرفه سنک اون یدنجی فصلنه ذیل  
اولمق اوزره قلمه النوب مرعیت احکامنه  
بالاستیدان اراده سنیه حضرت خلافتیناهی  
شرفتعلق بیورلمش اولان ماده قانونیه صورتیدر:  
ایکی یوز الی غروش و یا آندن دون بر آچقهیه  
و یا خود بو مقدار قیمتی حائر اموال منقوله و غیر  
منقوله به متدائر اولوب اولباده کی عرضحالر ظهرینه  
یازیلان درکنارلره قراره ربطی ایجاب ایدن دعاوی  
اجرت مباشریه دن ماعدا برکونه خرج ورسمه تابع  
اولمدینی کبی ایکی یوز الی غروشدر فضل و بش یوز  
غروش و یا بوندن نقصان اولان مبالغه ایله کذلک بو  
نسبتده قیمتی بولنان اموال منقوله و غیر منقوله حقنده کی  
دعوالردن دولای اشبو تعرفه منطوقجه النسی لازم  
کلان خرجلر دخی دوائر اجراییه جه وقوعبوله حق  
تحصیلاتدن اول باول استیفا اولمق اوزره تأجیل  
اولنور و دائنک خارجهده صالحاً استیفای مطلوب

ایتمسندن ویا سائر بوکبی احوال دن دولای تعقیباتدن  
صرف نظر ایدلدیکی حالده اولباده کی اعلاماتک خرج  
و مصارف محاکمه سی اعلامات جزاییه خرجلریله  
مصارف محاکمه سنک صور تحصیلیه سی معرف اولان  
تعلیماته توفیقاً طوغریدن طوغری به مدیونلردن استیفا  
قلنور و فقر و ضرورتلری شهادت معتبره و موثوقه  
ایله ثابت اولوبده اعلام خرجی و رسم تحصیل ایله  
خدمه اجرتندن بشقه تعرفهده محرر خرج و رسمدن  
معاف طوتیلان مدعیلرک لهنده صادر اولان اعلاماتده  
اولجه کندولردن النیان خرج و رسوم سائر دخی  
آیروجه کوستریلرک عندالاجرا محکوم علیهمدن  
بالتحصيل ایراد قید ایدیلور.

تعرفه مذکور نك الی طقوزنجی ماده سنک  
اصلی صورتیدر

الی طقوزنجی ماده اعلاماتک اجراسندن  
دولای النیه حق خرجلر نظامات مخصوصه سنه توفیقاً  
اخذ اولنور.

مذکور تعرفه نك اون سکرنجی فصلی مقامه  
قائم اولمق اوزره قلمه النان ماده  
قانونیه صورتیدر

الی طقوزنجی ماده دوائر اجراییه جه النیه حق  
خرجلر بروجه آتی بیان اولنور:

اولاً اعلامات صادره نك تنفیذ احکامی طلبی  
حاوی دوائر مذکوره رؤسانه ویریلان و ایکی یوز  
الی غروشی متجاوز مطلوبات ایله بو مقداردن فضله  
اموال منقوله و غیر منقوله لردن متولد خصوصاته متدائر  
بولنان عرضحاللردن اشبو تعرفه نك برنجی ماده سی  
موجبجه یالکیز بش غروش قیدیه خرجی آنور.  
بوعرضحاللرک مربوطاتیله خصوصات سائر یه  
متفرع اولان استدعائمه لر و ابراز واره اولنان  
اوراق سائر خرج مذکوره تابع دکلدر.

ثانیاً هر نوع اوراق و ضبطنامه لرک طلب اولنان  
صور لردن دولای منطوقاً اوتوز و معاملات تبلیغیه  
سی دوائر اجراییه به عائد اولان اعلامات و حجج  
شرعیه نك محکوم علیهما تبلیغی ایچون اون غروش

خرج استیفا اولنوب اخبارنامه و سائر بوکبی اوراق  
اجراییه نك تبلیغندن و بالمزایده مشتریسنه حاله قلنان  
غیر منقولاتک تسویه قیدی ضمننده دوائر عائد سنه  
یازیلان تذاکر ایله دیگر خصوصاته متعلق وقوعبولان  
مخبراتدن دولای پوسته اجرتندن ماعدا برکونه خرج  
آلماز.

ثالثاً مبالغه معینه یی حاوی اولان اعلاماتک  
تنفیذندن دولای مدیونه حق رجوعی اولماق اوزره  
یوزده ایکی بچق نسبتنده وفک حیز و تخلیه مأجورکبی  
مقدار و قیمتی غیر معین خصوصات حقنده کی اعلامات  
ایچونده منطوقاً محکمه دن آلتش خرج اعلامک بر  
مثلی راده سننده کذلک مدیونه حق رجوعی اولماق  
اوزره دایندن رسم تحصیل و خرج اجرا آنور  
ویالکیز ادانه مجتلی ظهرینه یازیلان مقتضی اعلامیه  
تحصیل اولنان اموال ایتم و اوقافک رسوم تحصیلیه سی  
هر حالده مدیونلردن استیفا قلنور.

رابعاً معاملات اجراییه نك هر قنی درجه سننده  
اولورسه اولسون داین ایله مدیون بیننده صلح وقوع  
بولدینی و بونک ظهر اعلامه اشارت اولمق صورتیه  
تسویه قیدی و اعلامک اعاده سی طلب ایدلدیکی  
تقدیرده بدل صالحک یوزده ایکی بچق نسبتنده رسم  
تحصیل اولنور و اشبورسم و سائر مصارف اجراییه نك  
صلح واقع منطوقجه طرفیندن قنغیسنه عائد ایسه  
اندن و بویولده بر قید و شرط موجود اولمدینی حالده  
رسم تحصیل دایندن و مصارف سائر دخی مدیوندن  
استیفا قلنور.

خامساً رسم تحصیلک قسم منطوقی پشیناً  
حکم اعلامک تنفیذی طلبنده بولنان طرفدن و یوزده  
حسابیه آلنه حق اولانلری دخی تحصیلات و وقوعبولدجه  
مقداری نسبتنده اول باول بو تحصیلاتدن آنور.

سادساً اموال منقوله و غیر منقوله نك فروختی  
ایچون اوراق حوادثله وقوعبوله حق اعلاناتک بهر  
نسخه سنک اجرت طبیعیه سی اوله رق منطوقاً یکرمیشدر  
غروش آلنه جنی مثللو کرک وضع بد و حیز معامله سی  
و کرک مأجورک تخلیه سی و اموال و اشیانک بر موجب



اعلام محكوم له تسليمی کي خصوصات اجرائیه ایچون محلرینه اعزام اولسان مأمورین اجرائیه غندالایجاب وریله جک ومقداری رؤسای محاکم طرفدن تقدیر اولته جق مصارف راهیه وضرویه بروجه پیشین محکوم لهدن اخذ اولتور .

سابعاً بانزایده فروخت اولتان اموال منقوله وغیر منقوله نك بدل مزایده سندن یوزده ایکی حسابیه منادی به اجرت دلایله واخبار نامه وسائر اوراق اجرائیه نك تبلیغه وساطت مثالو وظائفه مكلف بولتان اجرا مباشرلرینه ده تعرفه مخصوصه سه توفیقاً بعد مسافه اعتباریه بش غروشدن نهایت یکریمی بش غروشه قدر اجرت قدیمه وریلور وداین ایله مدیون آرسنده بالمواقفه تسویه دین اولتمسندن ویا اسباب سائردهن دولانی مزایده معامله سی حکمسنر قالدینی صورتده اجرت دلایله آلمیوب بالکتر رسم تحصیل استیفا قنلور .

ثامناً اجانبه متعلق اوله رق محاکم تجاریه هیأت مختلطة سندن وریلن اعلاماتک خرجلری واجرت مباشریه نامیه یوزده برنسبتده استیفا اولتوب محاکم حاصلاتی میاننده ایراد قید ایلمکده اولان رسم تحصیل کافی السابق قرارنامه مخصوص احکامنه تابعدر .

فی ۱۲ رجب سنه ۱۳۲۵

وفی ۸ اغستوس سنه ۱۳۲۳

## محاکمات مختلطة

محكمة تمیز حقوق دائره سندن تنظیم واعطا

قنلان اعلامدر :

کرون قضاسنک شغولزیر محله سنده مقیم بولدیان سیمون ووالده سی اقسابت قالدین ایله محله مذکوره ده ساکن ارمنی کلیسای متولسی چولیان سرکر بینده متحدث دعوایه دائر کرون بدایت محکمه سندن ۸ مایس سنه ۳۱۹ تاریخی وایچ عددی ایله وریلان اعلام بالکتر مرقوم سیمون طرفدن تمیز ایدلمش و دیگر طرفدن جواب لایحه سی ویرلماش اولغله باش مدعی عمومیک مأموریت بهیه سنک مطالعه نامه سی آلدقندن صکره اعلام مذکور بالکتر مستدعی نك اعتراض لایحه سیله بالمطالعه تدقیقات تمیزیه اجراسنه ابتدار اولندی .

اعلام مذکورک خلاصه مالی مرقومان سیمون واقسابت قالدینک مورثلرینک حال حیاتنده ارمنی کلیسای نقود موقوفه سندن مرقومانک کفالتلریله با سند اخذواستقراض ایلمدیکی شهودک شهادت لریله ثابت

اولان اون بر عدد لیرای عثمانیک مرقوم سیموندن تحصیل حقنده لاحق اولان اعلام غیابی حکمه مرقوم سیمون اعتراض ایدرک متوفی پدرینک کلیسا اموالندن استقراض ایتدیکی اون بش لیرادن درت لیراسی ایفا ایتش وقصور اون بر لیرا بورجنی حاوی بولتان سندى موجود اولدیغندن بمثل مذکور سند کندوسنه اعاده ایدلمک واعاده اولدیغنی صورتده ویرمش اولدیغنی اچقمع فاض رودتسای قلمق شرطیه یدندن برسدن آلمش ایسه ده پدرینک سندى کندوسنه اعاده ایدلمدیکی کي پدرینک اوپوله برسدی ده موجود اولدیغندن واولسه بیله متولی سابق طرفدن پدری متوفانک ۳۱۹ سنه سنده ذمتی ابرا ایدلهرک یدینه برقطعه ابرا سندى وریلدیکی شهود ایله اثباته حاضر اولدیغندن وپدری مرقومک اوپوله برسدی ابراز ایدلمدیکی تقدیرده اول تاریخده کندوسنک صغیر اولدیغنی کي الیوم ورته میاننده ایکی نفر صغیره همشیره لری موجود اولوب بوباده ورته نك عدم علمه تحلیفی لازم کله چکندن حکم غیابینک فسخی ادعا واعتراض الغیر طریقیه دعوایه دخالت ایدن والده سی اقسابت قالدین دخی دعواده صغیر بولتمق حبسیله دعواى واقعه نك رؤیتی محکمه شرعییه عائد اولدیغنی بسط واثان ایلری اوزرینه تکرار بالمواجهه استماع شهود اولندقدن صکره اولیاده اجرا قلئان محاکمه و تدقیقات نتیجه سنده دعواى واقعه سنده مستند اولدیغنی کي ورته میاننده صغیر دخی اولماسنه و ذکر اولتان ابرانامه یی معتزلرک ابراز واثبات مدعا ایدمه ماملرینه بناء دفع دعوا لری نك ردیه بلغم مذکورک مع گذشته ورته موجوده دن تحصیلنه حکمدن ومستدعی تمیز سیمونک اشبو حکم علینده لایحه سنده محرر باشلوجه اعتراضی ورته میاننده صغیر بولتمق ملابس سیله دعواى مذکورک فصل وحسی محکمه شرعییه عائد اولدیغنی حقنده سرد ایدلمدیکی وظیفه اعتراضنک محکمه جه نظر دفته آلمانسی مغایر قانون اولدیغندن بمثل اعلامک تقضی استدعاسندن وسالف الذکر مطالعه نامه مندرجاتی دخی مبلغ مدعا بهک ورته دن تحصیلنه حکم اولدیغنی حالده وراثتک کیماره منحصر اولدیغنی تدقیق ایدلماش وصلاحیت محکمه به اعتراض اولتمش ایکن مدعی عمومی وکلنک مطالعه سی بعد الاستفسار قرار ویرلماش ومستند ادعا اولان سندک اعلامه درج اولنماش بولتمی مغایر قانون اولدیغنی بیسانندن عبارتدر .

ایجابی لدی المذاکره اعلام مذکور مألندن مستبان اولدیغنی اوزره اعلام غیابینک عیناً ویاخود

مال صحیح استنباط اولتور صورتده خلاصه اعلام معترض به درج وتتمیق ایدلسی لازم کلور ایکن ایدلماسی ودعوی ورته علینده اقامه ایدلمش اولسنه نظر اورتک کیماره منحصر اولدیغنی اثبات ایتدیرلماش وظیفه ادعاسنده کرچه مدعی عمومی بولندیرلهرق مطالعه سی آلمش ایسه ده بوباده برقرار ویرلماش ومستند ادعا اولان سندک دخی اعلامه درجی مقتضی اولدیغنی حالده درج اولنماش یولسز ومخالف قانون اولدیغندن اصول محاکمه حقوقیه قانوننک ایکیز اوتوز ایکنجی وایکیوز قرق برنجی ماده لری موجبجه اعلام مذکورک تقضیه قانون مزبورک ایکیز قرق دردنخی ماده سنک فقره اولاسی حکمه توفیقاً کیفتک صور مشروحه دائره سنده تکرار بالرویه اعلامه ربطی ضمتده محکمه مذکوره به اعاده سنه واول و آخر مستدعی سیمون طرفدن ایفا اولتان جمعا درتوز اون وایچ بقی غروش مصارف تمیز نك ایلروده حقسنر چقه جق طرفه عائد اولسنه ۲۳ تشرین اول سنه ۳۱۹ تاریخده متفقاً قرار ویرلدى .

محكمة تمیز حقوق دائره سندن تنظیم واعطا

اولتان اعلامدر :

اطه پازاری قضاسنه تابع طر بزولنر قریه سنده مقیم یاسی باش اوغلی نعمان و سلیمان بک قریه سنده مقیم آرابه جی باشی اوغلی سالم اغار ایله قضای مذکورک کونشدر قریه سنده ساکن خلیل اغا بینده متحدث دعوایه دائر اطه پازاری بدایت محکمه سندن ۵ کانون اول سنه ۳۱۴ تاریخی و اوتوز ایکی عددی ایله وریلان اعلام مرقومون نعمان و سالم اغار طرفلرندن تمیز ایدلمکله اعلام مذکور طرفینک اعتراض و جواب لایحه لریله بالمطالعه تدقیقات تمیزیه اجراسنه ابتدار اولندی .

اعلام مذکورک خلاصه مالی مرقوم خلیل اغا قریه لری حدودی داخلنده واقع اراضیلری اوتلاقیه سنک درت حصه اعتباریه بر حصه سی اولیاده صلیحی ناطق برقطعه مقاله نامه حکمنجه کندوسیه شریکی محمد افندی به عائد ایکن مرقومان نعمان و سالم اغار مذکور اوتلاقیه یی اوچوز اون وایچ سنه سنه محسوباً اوتوز لیرایه فروخت ایدوب بوندن کندو حصه لریه اصابت ایدن پدی بقی لیرادن موی ایله محمد افندی نك حصه سنه محسوباً ایکی بقی لیرا تسلیم ایدرک کندو حصه سی اولان وایچ بقی وبرچارلک لیرانک افسانندن امتناع ایلمکده اولدقندن بمثل مع فاض تحصیلنی طلب وادعا وشرائط صلیحی متضمن برقطعه مقاله نامه

میخالک اقلایبانی ضرب وجرح ایتدیکی ثابت اولدیغندن برهفته حبسنه لطفینک محمدی ضرب ایتدیکی ثابت اولدیغندن برهفته حبسنه حاجی حسینک ادهم رتو افندی بی ضرب وجرح ایتدیکی ثابت اولدیغندن بر آلتون آلتوب مدعی به ویرلسنه

نیقولنک خلاف ممنوعیت سلاح طاشیدینی ثابت اولدیغندن بش بشلک جزای نقدی آلمسنه لوقساندری ضرب ایتدیکی ثابت اولان قالیویدن بر بقی آلتون آلهرق مضروبیه ویرلسنه آندریانک صوفیانی ضرب ایتدیکی ثابت اولدیغندن بر آلتون آلهرق مضروبیه اعطاسنه سینوره به اطاله لسان ایتدیکی ثابت اولان ایساقدن بر آلتون جزای نقدی آلمسنه بک اوغلی بدایت محکمه سی جزا دائره سنجه قرار ویرلشدر .

## محاکمات مختلطة

حیانه قضاسی ناجی و بدایت محکمه سی رئیس سابق شفیق واعضادن مصطفی وعلی فخری افندیلرک وظیفه ومأموریتلری سوء استعمال ایدلمکری آتقره ولایتی استیناف محکمه سی مدعی عمومیکلندن وارد اولان اوراق تحقیقه مندرجاتندن اکلاشلمش اولسنه مبنی موی الیه مک اجرای محاکمه لریه عدلیه نظارت جایله سندن مأذونیت وریلهرک محله تبلیغات لازمه اجرا ورئیس موی الیه کفایت محاکمه سندن طرف عالی مشیختبناهی ده معلومات اعطا ایدلمشدر .

## اعلانات

در سعادت جنایت محکمه سنده :

سرقت ماده سندن طولانی مهتم اولوب قوم قپوده نشانجهده یکریمی ایکی نومرولی خانه ده ساکن ایکن قرار ایدن اورته بویلی ، قاره چاتیق قاشلی ، عاداتا اغز وبرولی ، قرال بیقلی ، آچیق آیللی ، مدور چکه ، واسمر بکریل اوتوزر باشنده حالی اورجیسی ایران کاکظم بن حدی در دست اولته مامش اولدیغندن جانب ریاستدن کندوسنه مجدداً اون کون مهل اعطا قلنشدر مهل معین ظرفده مرقوم محکمه به کلدیکی حالده قانونه اطاعت ایتماش نظریه باقیلهرق حقوق مدنیهن اسقاط قلنه جنی وعلینده دعوایه قیام اولنه جنی ومحاکمه غیابییه سی ائنده اموالنک جز آلتو آلهجنی وبوصره ده برکونه ادعایه حق اوله میه جنی

وبالجمله ضابطه عدلیه مأمورلرینک کندوسنی طوتغه وبولندینی محلی بیلنلرک خبرومرکه مجبور بولندقلمی امری اعطا ومعاملات جزیه حقنده مدعی عمومیکه تبلیغات مقتضیه اجرا ایدلمدیکی جهته اصول محاکمات جزائییه قانوننک اوچوزیمش برنجی وایچ یوزیمش ایکنجی ماده لرندن استنباط اولتان احکامه توفیقاً قرارنامه بالتظیم اعلان اولتور .

برنجی بدایت محکمه سنده :

تبعه دولت علیه دن زیتون برونده خسته خانه ده مقیم طوبخانه عامره ایکنجی صنایع الای سراجزاجیسی یاقو رالییدی افندی نون دولتی تبعه سندن پروودوس غزته سی مدیر ومحرری موسیو قسطنطین ولد پناووط اسبانودی ایله برادری تبعه دولت علیه دن اولجه فاردقه قدس شریف جاده سنده دو قنور اسبانودینک خانه سنده مقیم ایکن شمدیکی اقامتگاهنک مجهول ایدوک خبر وریلان مذکور غزته صاحب امتیازی ایبادیوس افندی علپلرینه برقطعه سند موجبجه مطلوبی اولان یوز الی لیرانک تحصیل حقنده محکمه تجارت برنجی مجلسنده اقامه ایدلمدیکی دعوانک رؤیتی ایچون اشبو ۳۲۳ سنه سی تشرین اولنک دردنخی پنجشنبه کونی تعیین ایدلمش اولدیغندن موی الیه مامدن برمنوال محرر اقامتگاه ی مجهول بولتان ایبادیوس افندی نك یوم مذکورده ساعت التی راده لرنده محکمه مزبوره ده حاضر بولتمی ویاخود مصدق سنده ل بروکیل کوندورمی لازم کله چکی وشاید کز ویا وکیل کوندورمز ایسه دیگر طرفک وقوعبوله جق طلی اوزرینه موی الیه حقنده معامله غیابییه اجرا قلنه جنی معلوم اولق اوزره تنظیم اولسان دعوتیه ورقه سی اصول محاکمه تجارت نظامنامه سنک دردنخی فقره سه توفیقاً علی الاصول محکمه نك دیوانخانه سنه تعلیق قلندینی کبی اوراق حوادث واسطه سیله دخی اعلان اولتور .

تجارت برنجیه محکمه سنده :

بلاطده بللیجیلر زقائنده دکاننده ساکن ایکن تجارت بحریه محکمه سندن افلاسنه حکم اولتمش اولان یسوعا لوینک ذمتده آلهجنی اثبات ویا موقتاً قبول وقید ایتدیرمش اولان آلهجقلوک قانوننامه تجارت نك ۲۱۱ نخی و آتی ولی ایدن ماده سی موجبجه مفلس طرفندن تکلیف اولته جق قوتقورد آتونک مذاکره سی ایچون [ ۶ ایلول سنه ۳۲۳ ] تاریخنه مصادف پنجشنبه کونی محکمه مذکورک مصالح افلاسیه رؤیتیه مخصوص اوطه سنه کلبری اعلان اولتور .



استانبولده تخميص زقاغنده ساکن وعطاريه تجارتيله مشغول ايکن تجارت بحريه محکمه سندن افلاسنه حکم اولمش اولان قووو وطباح شرکتی ذمتنده آله جفنی اثبات ویا موقتاً قبول وقيد ايتديرمش اولان آله جقلولرک قانوننامه تجارتک ۲۱۱ نجی و آتی ولی ایدن ماده سی موجبجه مفلس طرفندن تکلیف اولنه جق قونقورداتونک مذاکره سی ایچون [ ۶ ایلول سنه ۳۲۳ ] تاریخنه مصادف پنجشنبه کونی محکمه مذکورہ نک مصالح افلاسیه رؤیتہ مخصوص اوطه سنه کلری اعلان اولنور .

### ایکنجی تجارت محکمه سنه :

بیوک اطهده قصاب یانی فولیانک ۲۹ اغستوس سنه ۳۲۳ تاریخندن اعتباراً اعلان افلاسنه و مصالح افلاسیه نک رؤیت وتسویه سی ضمنده اعضای محکمه دن عزتلو صبری بکک ژور قومیسر ودعوی وکیللرندن واسیلاکی زخاریادی ومیخالاکی نیقولائییدی افدیلرک موقت سندیک تعینلرینه ومغازه سیله اشیای زائده بیتیه سنک تمهیرینه واوراق ودفاترینک جلبنه وکفالت مصدقه ارانه ایده مدیکی تقدیرده حبس وتوقیفنه وبوباده کی قرارک موقتاً اجراسنه ایکنجی تجارت محکمه سنجه قرار ویرلمش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولنق اوزره اشبو ۳۲۳ سنه سی ایلونک اون ایکنجی چهاشبه کونی ساعت یدی راده لرنده اصحاب مطلوبک محکمه مذکورہ نک مصالح افلاسیه رؤیتہ مخصوص اوطه سنه کلری اعلان اولنور .

درعلیهده کوبری باشنده وغلطهده تراموای جاده سنده مغازه لرنده اجرای تجارت ایتمکده ایکن ایکنجی تجارت محکمه سندن افلاسنه حکم اولمش اولان مهران ونشان کساریان برادرلر ذمتلرنده آله جفنی اثبات ویا موقتاً قبول وقيد ايتديرمش اولان آله جقلولرک قانوننامه تجارتک ۲۱۱ نجی و آتی ولی ایدن ماده سی موجبجه مفلس طرفندن تکلیف اولنه جق قونقورداتونک مذاکره سی ایچون اشبو ۳۲۳ سنه سی ایلونک اوننجی بازار ايرتسی کونی محکمه مذکورہ نک مصالح افلاسیه رؤیتہ مخصوص اوطه سنه کلری اعلان اولنور .

### محکمه تجارت امرا داره سنه :

یونان دولتی تبعه سندن دعوی وکیلی موسیویانی لازارتونک کورکچی اصنافی ذمتنده برنجی محکمه

تجارت اعلامیه محکوم به اولان آله جفنیک تأمین استیفاسی ایچون حاجی کوچک محله سنده کورکچی خاننده آلت قاتده اون طقوز نومرو ايله مرقم اولوب ۳۱ مارت سنه ۹۸ تاریخنده دولت مشاوا الیها سفارتی جانبندن با تقرر وقوعبولان طلبه بناءً حجز آلتته آلدیرلمش اولان براب مغازه پدری لفر ولد استاوری عهده سنده ایکن وقوع وفاتی جهتیه کندوسنه انتقال ایتدیکنندن ومروزرمانه دخی تابع بولندیغندن وعلی الخصوص متوفای مرقوم تاریخ حجزدن اوتوز ایکی سنه اول وفات ایدوب هیچ کیمسه یه مدیون اولدیغنی کی کورکچی اصنافه دخی مناسبتی بولندیغندن بختله اشبو مغازه اوزرینه موضوع حجزک فکی استاوری طرفندن با عرضحال طلب واستدعا قلمش ولدی التدقیق مذکور مغازه لفر ولد استاوری نامه محرر بولندیغنی حین حجزنده دائره بلدییه سندن مورود جوابده کوسترلش اولغله کیفیت داین مومی الیه تبلیغ ایدلک اوزره سفارت مشارالیه قونسولاتوسنه تودیع وتسیرقلنان اخبارنامه وظهرینه محرر جوابده دعوی وکیلی یانی اسمنده بر شخص مقدا وار ایدی ایسهده بر خلی مدت اول وفات ایتدیکی بیلدیرلمسنه ومتوفای مرقومک ورثه سی کیملرندن عبارت ایدوکنک بیلنه مدیکی ومحل اقامتلی مجهول بولندیغنی جهتله اولبابده کی تبلیغاتک اعلاناً اجراسی لازم کلدیکنه بناءً اشبو ایلول رومینک برنجی جمعی ايرتسی کونسندن اعتباراً طقسان بر کون ظرفنده متوفای مرقوم ورثه سنک موقع اجرایه مراجعتله برکونه افاده واعتراضلی اولدیغنی تقدیرده تحریراً بیان ایلرلی وعکسی حالده حجز موضوع مذکورک فک ایدیله جکی معلوم اولق اوزره اصول محاکمه حقوقیه قانونک یکرمی التجی واجرا قانونک یکرمی طقوزنجی ماده لرینه توفیقاً اشبو اخبارنامه محکمه تجارت اجرا دائره سی دیوانخانه سنه تعلیق اولدیغنی کی غزنه لرله دخی اعلاننه ابتدار قلندی .

بقال طومه واوغلنک سعیده خانم ذمتنده برنجی محکمه تجارت اعلامیه محکوم به اولان آله جفنیک تسویه سی ایچون طوپخانهده قره باش محله سنده طوپخیلر جاده سنده اوچوز طقسان وقصابلر زقاغنده اون ایکی نومرولر ايله مرقم مقدا ایکی باب والیوم شهری اوچ بچق ایرا ایجار کتوریر فوقنده ایکی اوطه ومشمولات سائرہ یی حاوی براب کارگیر دکانده مستقر ایکی عدد قصاب کدکنده یوزیکر میشر سهم اعتباریله مدیونه مومی الیهانک متصرفه اولدیغنی اون یدیشر بچق حصه سی بوندن اقدام موقع مزایده یه قونیه رق

لیرای عثمانی یوز غروش حسابیله بیک سکز یوز غروشده طالبی عهده سنده قلمش واشبو ایلول رومینک برندن اعتباراً اوتوز برکونه یعنی کله جک تشرین اول رومینک ایکنجی صالی کونی ساعت اونه قدر یوزده بش ضم قبول ایدلمسی و ذکر اولنان یوم وساعتده صوک مزایده سی بالاجرا قرار قطعیسی ویریلرک طالبی عهده سنه کچورلمسی مقرر بولمش اولدیغندن و آندن صکره هر نه ضم وقوعبولور ایسه قبول اولتیه جفندن حصص مذکوریه یوزده بش ضم ايله طالب اولانلرک واطرافلیجه معلومات آلق ایستینلرک مدت مزبوره ظرفنده بدل مزایده نک عشرینه مساوی پی الحقه سیله برابر محکمه تجارت اجرا دائره سنه مراجعت ایلرلی ویوم ووقت مزبوره مذکور دکان پیشکاهنده مأموری مواجهه سنده حاضر بولنلری اعلان اولنور .

### در سعادت اعمومات نظامی امرا داره سنه :

شا کر بکک در سعادت بدایت محکمه سی برنجی حقوق دائره سندن استحصال ایدیلکی ایکی قطعه اعلام موجبجه آیدینلی حاجی حافظ محمد امین افدی ذمتنده آله جفنی اولان مبالغک تأمین استیفاسی ایچون مدیونک وفاتیه ورثه سی کریمه لری زهرا وعصمت خانملره انتقال ایلان برغمه قضاسی داخلنده واقع برقطعه باغ واینجیرک وزیتونک ايله براب دکان حجز آلتته آلدیرلمش ومراسم قانونیه نک اجراسی ایچون ورثه مومی الیهما بولدیر یله میوب محل عزیمت واقامتکاهلری اکلاشیله مامش اولمسنه مبنی اجرا قانونک یکرمی طقوزنجی ماده سی موجبجه اوچ ماه ظرفنده اثبات وجود ایلدکری حالده املاک محجوزہ نک بالمزایده فروخته تشبث قلنه جفی بعد الاعلان مدت قانونیه نک انقضاسی اوزرینه املاک مذکورہ برغمه قضاسی بدایت محکمه سنجه علی الاصول موقع مزایده یه وضع ایدلمش ودینه کفایتی تحقق ایلان یالکرزیتونلک یکرمی بیک التیسوز غروش بدل ايله محلیجه طالبی عهده سنده قطعاً تقررائش اولدیغندن تاریخ اعلاندن اعتباراً نهایت سکز کونه قدر ورثه مومی الیهما طرفلرندن مراجعت ايله شایان قبول بر افاده درمیان ایلدکری تقدیرده بدل مقرر وجهله ورثه نک رضا وتقریرینه باقلمیه رق معامله فراغیه نک اجرا ایتدیر یله جکی صوک دفعه اولق اوزره در سعادت اعلامات نظامیه اجرا دائره سندن اعلان اولنور .